

兩朝從信錄

兩朝從信錄卷之二十六

秀水沈國元述

四月

福建巡撫南居益條陳控守澎湖添設大小將領水陸官兵城池臺舍廩餉屯漁事宜

設將領
守要害
議兵餉

一議專設遊擊一員額駐澎湖卽以二遊兵兩把總隸之再添遊擊標兵一十一員六十名仍聽南路副總兵節制以成臂指之勢一議中左地方逼近澎湖居漳泉之間最稱要害宜仍移南路參將杜宇扼漳上流必須臬南屬其節制而諸鉅金門高浦中左各營所切近地方有警各官軍尤聽不時往自調遣方無掣肘而西寧爲泉門戶當移泉南遊擊駐紮以資控制如此則無增兵之費而得汛守之資矣一議增兵照得澎湖遊擊一營水陸官兵共九百三十餘名不可查澎湖衝鋒遊巡兩營欲設舊兵共九百三十五名今增新兵一千一百六十

九名共二千一百零四名議處該中標守備一員轄水兵八百五十七名領船四十九隻分屯媽宮等處左登把總一員轄陸兵六百二十四名屯媽宮後暗沃分領太武衆山龍港諸處右登把總一員轄陸兵六百二十三名屯風櫃仔兼顧蔴上漁西寧看守鎮海營等處俱聽遊擊調度哨守中標立水哨官六名左右登各立哨官四名共二千一百餘名水陸分佈首尾相照亦可以壯軍容而保藩籬矣第兵行糧從未有增兵而不計餉者查原澎湖中兩遊每兵月餉九錢春冬兩汛至彭防守每月加給行糧三錢今議長城澎湖不許收江南束內地聚給月糧一兩二錢每兵一年該餉銀十四兩四錢一議添設遊擊汛隨員役一百名連水陸新舊兵通共二千一百餘名歲餉二萬八千有奇而船罷衣甲等費不與也除舊兵原餉外約增新餉二萬三千兩見行布政司糧餉道處查有洋餉一項歲計得有二萬餘金以海洋之稅供防海之川似屬未分其不足者臣查別項無碍者補之總之千卽屋之時曲爲計處庶不至加派病民漏卮病官臣一議澎湖築城濠池建立官舍營房查得澎湖築城去處雅媽宮少寬處風櫃水合陸營昂稱形勝合無於此地築城一座四面各濶三十丈高

一丈五尺厚半之約銀五百兩城內起遊擊衙門一座約用銀一百五十兩祀總二座約用銀五十兩遊擊衙門外起蓋倉廩二座收貯預備米糧約用銀三十兩陸兵計一千二百餘名大約以五名爲一間該營房二百二十餘間每間約銀四兩哨官房舍約起造二十餘間工料各加營房一倍每間約銀八兩以上通計用銀二十餘兩應等餉銀內動支一議澎湖路將之設越在海島以控制海防威臨夷寇較之沿海各將官稍加體貌似應改副總兵衙門兼協守職銜照例賜給勅封旂牌外念彭島孤懸羽書鄭重仍欽給關防印記一顆以重彈壓若標下員役中標守備一員左右翼總二員外再立中軍官一員旂牌官三員聽用官十員各役錢糧聚於新增餉內遞支非此不足以重將體威臨島夷也至于事權則尤宜節制于南路副將庶輕重相維內外呼應有臂指之勢無隔閡之虞矣一議屯田澎湖險島城在海外外惟饒遺向稱艱險開此島頗稱饒腴議者以爲開墾耕屯可佐軍需查彭池故沙磧鹹鹵曰南平垣無高山以闢之幾持射不堪種植惟中墩山南北及龍文港沙埔壠稍稱肥沃處可得田二千餘畝但驅荷戈之衆轉而緣南畝勢必不能合

無懸示、聽官兵自行開墾、收穫子粒、一切不問、俟成熟三年、然後徐議起科、沿海居民有願耕者、亦依此法行之、此一議也、又彭湖固漁、數也、若招置沿海漁船、聽其搭蓋漁業、給與錄票、行什一之稅、以海為田、固海濱之長利、莫非軍需之借貲、而必播植、乃稱屯田哉、此一議也、一議集鏡臺、查得彭島浮于海上、俗稱天塹、其地平濶、遶進、有類蛇勢、坡港零嶼甚多、其汪洋空闊、可以穩泊巨艘、惟媽宮暗灣、灣口兩山對峙、左為風櫃仔、右為西安、計水面相距五百七十餘丈、而案山鼎立、其中最稱要害、此夷向且據此、以與我爭也、向為夷之所必爭、今為我之所必守、合無于風櫃西安案山三處、各築鏡臺、城一座、

科臣霍維華疏曰、頃者邪臣假借題目誣議、宮庭虧損

聖德、如所謂挺擊紅丸移宮三案已捏形章奏、簧惑聽聞、更欲竄入纂修、止亂萬世、用是不遑忌諱、據實剖明、快

祖宗在天之靈、賜

皇上繼述之志其論移宮者曰

先帝彌留之際所拳拳叮嚀不厭諄切者輔導

嗣皇與

冊封

李選侍而已

選侍之居

乾清宮也從侍

先帝也

宮車宴駕

選侍自應移居別宮亦自應候

旨令

選侍移居何宮而後可移也。

選侍何敢擅移亦何俟臣子爭執之而始移也丙子昧爽元輔以下文武大臣以及省臺郎署無弗入者何爲楊漣一人獨以排悶稱也比羣臣見

皇上卽羅拜呼

萬歲又何煩劉一燎楊漣左光斗等侈口擁戴之功哉且元輔之方從哲首垣之范濟世掌道之顧慥無日無事不在一燎漣光斗之前者又何以擁戴之功獨三人攘臂自居也使當時灑掃別宮請

選侍入居諭以

登極後遵

遺命行

冊封貴妃禮此不過一內使傳示足矣何至煩諸臣之紛紛也臣常聞其槩矣當濟世與漣光斗等之入也見一宦者手握數紙箕踞怒罵有如今還要我叩頭叫他認得我之語濟世等詢之乃知爲王安也問其所罵何人則應爲李選侍也所持之紙卽排

選侍之揭也安將揭人授一紙濟世等心訝而面拒之獨漣與光斗口誦心維不自覺其席前膝促神臆而形就也

繇是而播自后之說繇是而煽垂簾之議繇是而捏宮嬪之詞誣告

選侍之孺名繇是而興盜竄之獄羅及

選侍之生父粧成莫須有之疑以熒惑

聖聽矯

詔恣惡震駭遠邇皆王安一人居中爲崇漣與光斗等入幕運籌而助之虐也移宮之日密布多人聲勢

選侍之奄篋併攫及頭上之簪珥俾令自負

皇八公主踉蹌徒跣而奔

一號殿吞聲飲泣莫從控籲而隨侍之李進忠劉朝等十

餘人且毆傷狼狽面縛下獄立刻提斬連及侍父惜
死此不過假盜竄以爲名因殺此數人以滅口耳向非刑
部尚書黃克纘據法力爭開諭保全侍父不得其死
選侍何以安其生進忠等三人旋畢命于刑毆之餘劉朝
等數人又安能延喘於犴狴之中他日復得見

皇上之面赦其餘生以正王安矯

詔之罪哉觀於李進忠劉朝等之下獄而

皇上不及知則

選侍當日踉蹌之狀與

一號殿蕭條之景

皇上亦必不及知、以至自后垂簾、種種不情之波、槩可推矣、臣以爲

選侍之請封也、請封妃也、

冊封貴妃之

旨、

先帝之親傳者三

皇上之親促者再、王安猶能朦朧挑激、楊蔽稽停、迄今讀范濟世請封

選侍一疏、猶令人痛哭而流涕焉、妃之未封、而況於后、請之不得、而況於自后、不妃不后、而況於垂簾、倘

選侍而果有自后垂簾之威權也。王安焉敢不叩頭。又安敢箕踞而怒罵之哉。臣以爲宮不難移也。王安等故難之也。當日

皇上一見羣臣安等卽奉

皇上歸

慈慶宮不復至

乾清一步者欲

皇上不與

選侍相見乃可以行其離間之計也。故難移宮者用以激怒

皇上而重

選侍之罪、眩惑中外、而張擁戴之功也、不然、何御史郭如楚疏有移宮原係定理、不得居以爲功之說、邪黨恨之入骨、俾不得一日安乎其位也、豈非犯其所深忌哉、使是時有

旨令

選侍移宮、而據不肯出、或

皇上力不能使之出、然後臣子得以借口而幸功耳、乃後宮之說甫出、遽使

選侍徒跣奔避、逆忠等束手就縛而

皇上尚不知也。是尚得謂宮之難移哉。臣又以為李進忠等未嘗盜寶也。乃王安等搶之也。夫寶誰之寶。選侍之物。寶。

先帝之賜予也。以

選侍之物。選侍之人自移之。何得謂之盜也。且徒手數人所執有限。何得謂之盜至數萬也。以

先帝之賜予者。王安等搶而還之。

皇上。臣固知

皇上之不忍受也。乃竟以

選侍之盒篋據而克王安之囊橐。不罪搶而罪盜。不亦顛

倒之極哉、王安風警

選侍、百計排擠、毫無顧忌、猶權璫、蹶扈之常態、無足深怪、
漣與光斗等、讀聖賢書、受

累朝深恩、亦復甘心蹈亂賊之轍、犯神人之憤、而不恤者、
何也、不過欲假此以結權、王安依爲奧援、線索潛通、禍福
立見、可以庇邪害正、納賄招權、爲所欲爲、而無不如意耳、
然非輔臣劉一燝、權輿其間、謀去從哲、獨專政柄、迎合票
擬、仰鼻息而聽顛指、爲禍亦不至若彼之烈也、及王安事
敗、一燝懼罪及已、猶極力彌縫、再次徵還、提取劉朝等之
明旨、豈非朋比爲姦之左券耶、王安罪狀彰彰如是、死不

足贖而周嘉謨且感且憐忿然不平代爲報復駢語
曰王安罪不至死夫假

親王令旨者死況矯

天子詔一朝而辟無辜之數命哉幸

皇上日月之明

雷霆之斷立正王安之罪竝遵

先帝遺命加

選侍以康妃之封

恩禮優隆家庭骨肉之情懽然如故從前雲霧風波小人
費盡伎倆難掩

天空日霽終歸水落石出若輩無限罪孽以次敗露自作自受誰怨誰尤然臣猶惓惓於實錄者特以年來門戶爲政授意纂修實者未必錄錄者未必實當

神祖壯年在御

冊立東宮稍遲一時諸臣私憂過計羣起而爭委出忠愛乃爭之愈衆持之愈堅無非欲事出

宸斷以見欲行

冊立之本懷是以建言者皆蒙譴謫而篤愛

震懼之心始終不渝及外庭寂然無言而

明綸忽渙

元良既建

宗社有主二十餘年

宮闈安然未嘗有他說也。倘果有如奸邪所捏稱廢立巫蠱之謀則

九閭達密必別有詭秘之術而後可徵倖於萬一。乃徒藉一風癩之張差白晝持挺闖重門入

大內而行刺弑。有是理乎。當日巡視御史劉廷元之奏報鞠審司官唐嗣美曾道唯岳駿聲等之口詞明白。愜當獨。賍私狼藉。自分被察之王之案。與同惡相濟之陸大受等無端造舛謬之說。聞張差爲山間窰戶。龐保劉成領

西宮金錢數萬起葢廟宇差謀包燒磚瓦打點使費多金
半出稱貸業已得之復爲有力者所奪懷恨二端不勝憤
忿持挺尋覓氣激迷心不自覺其亂闖而踰入

禁地耳向非

神祖同

先帝與

皇上慈寧之御親賜剖決其開裂骨肉流毒縉紳可勝道
哉及

先帝嗣位一月之內未聞有纖毫芥蒂疑及張差之事則
神祖之止慈

先帝之止孝、與平日宮庭、原未有嫌疑猜忌之情、益大彰明較著矣。

先帝至性天成、體素清弱、當

皇祖遐升之初、哀毀踰禮、飲食不時、幾務煩殷、勞苦爲甚、以致夙疾陡發、在蓐委頓、理所必然、而悠悠之口、致疑於宮掖之太盛、豈臣子所忍言、夫

先帝卽位不二旬而疾作、十餘日而不諱、女謁而病耶、笑在疚之時、而溺情女謁、季世之辟所不爲也、病而女謁耶、岌岌不起之際、而女謁是殉千金之子、所不屑也、况

先帝以千古純孝之衷、當四海托重之日乎、甚矣影響附

會者妄也。伊時以誤用下藥歸其罪于崔文昇。

先帝猶口授

皇上傳諭諸臣以爲原有風疾因勞致甚。大小臣工莫不
欽承此當日

父子

君臣出口入耳由衷根心之言亦

至仁至明危而不亂之證足盡破從前狐疑之說矣。何爲
復有向後蛇足之口也。先是元輔方從哲等疏

請早建

儲嗣以莫國本竝

請如期

視朝以慰羣心及聞病日增劇慮且不測率九卿科道官問安

寢殿再申

建儲之議跪求望見

嗣皇清光此際此情臣子之心蓋百迴腸而後敢一啓口也

先帝矍然首肯出

皇上於榻前並承

顧命有輔導

皇子爲堯舜之旨，是

先帝業以天下授之

皇上業以

皇上託之輔臣矣，且云

壽宮要緊者再，此其旦夕莫保之情景，羣臣耳聞目見者，誰不願得長生久視之方，延

萬載無疆之壽，李可灼復神其藥之奇驗，羣臣無不思幸一試，莫敢先發，遂流聞

禁中有

旨，召可灼進藥少頃

傳諭稱進藥善戒姑退勿去

褒賞有加日晏復

傳諭進藥可灼難之謂日止可一丸強之乃再進一丸而退詰旦昧爽而

龍馭上賓矣夫

先帝病係勞弱則可灼紅鉛正屬對証况迫以先帝立待之

嚴旨可灼安能不進藥

皇上與羣臣亦安忍不令可灼進藥特無救于大漸之勢耳卽今日豈遂忘徬徨無已之情哉孫慎行自隔年之後

起自田間、突興大難之端、借題紅丸、誣

先帝以受鴆之慘、加從哲以弑逆之罪、片紙傳播、旋奉

聖旨、舊輔方從哲、素稱忠愼、

皇考、弘治、李可灼進藥原出

聖意、卿言雖忠愛、然事係傳聞、併進封移宮等事、當日九卿科道官、多所親見、還着據實會奏、以釋羣疑、其李可灼輕易進藥、不能無罪、着併議來訖、該部知道、吏部尚書張問達、削去前段、止將卿言雖忠愛以下、半段發出、竝改會奏爲會議以啓邪黨之附和、以示指鹿之姦謀、永望風肯者、欲殺人以媚人、畏避兇鋒者、不信心而違心、僥有半吞

半吐之詞多屬畏首畏尾之論獨黃克繼王志道徐景濤汪慶百等明目張膽連篇累牘侃侃鑿鑿足砥一時之狂瀾定千秋之鐵案時非

皇上天語親傳有

皇考進藥亦昇天不進藥亦昇天之

旨邪黨窮追不已羅織之禍勢且燎原而不可撲滅矣至可灼情出迫切似亦未忍深求乃業知

虐照難欺輿情難奪猶瞞心昧已故遣戍以存不了之薪火亦太毒而狡哉夫可灼之心果出於毒

先帝耶卽肢解不足盡其罪果出於愛

先帝耶，則遣戍寧不重其寃。

先帝之逝，果出於毒耶，不獨從哲當任其咎，果不出於毒耶，何爲從哲偏受其誣，噫，慎行之心，路人知之矣。不過以丁巳被察，從哲實在政府，黨人乘其悻悻，從旁唆弄，日以報復爲謀，一旦死灰復燃，遂爾急不擇音，並思假借題目，陷衆正以悅黨人，可以立取大拜耳。孰知

天鑒昭昭，枚卜首推，竟以紅丸之故，斥而不用，小人心勞日拙，亦復何益。此實錄之當確者二也。繇今而論，孫慎行斥矣，李可灼之遣，不可不還也。何者，情無兩是，理本相因也。抑臣又聞鄒元標鍾羽正，當日亦各有疏入。

告而秘不發抄、兩臣立名非真、晚節不振、委身門戶、敗壞
生平、其秘疏不抄、必陰附鬼魅之說、而又欲明逝非刺之
外也、韓爌會議之疏、足破一時之謊、何以元兇罪惡貫盈、
猶爾側身庇護、說者謂良心難昧、是非各不相掩也、至如
江西監生楊維休泰昌目錄一書、草莽一介、何從而記註
朝廷之起居、且刺及

宮廷之隱微、中間語意閃爍、稱述舛錯、非潛授意旨、則揣
合頻笑、真無忌憚之小人、豈非

聖世衣冠之玷哉、伏乞

皇上嚴諭監修纂修諸臣、將未完

神祖實錄從實紀載將已完

先帝實錄再行磨勘並將公忠發憤如劉延元黃克纘王志道范濟世等與假借誣讟如王之宋孫慎行楊漣左光斗等一應章疏單揭備細搜錄與臣疏一併宣付史館務存公案以垂信史庶是非邪正開卷瞭然其於

三朝聖德

慈孝深衷光大闡揚所裨不小矣

先是御史徐景濂亦言禮部尚書孫毓汶從替據李可灼紅丸爲弒逆罪案何及傳錄議議移宮三事自附於孔子沐浴之請而陳恒從替也不示寒鼠賊之膽懷忠義之思哉臣職主彈劾思與竊備備不明白一言告之君父質之天下後世而昌焉言弒貽清史辱則不忠之

尤也。竊惟世道有公是非。人心之真是非是已。今日詩
從哲且勿問其他。最吃緊者。弒逆二字。須辨其真不真
也。真則亂臣賊子人人得而誅之。寧止讓削而讓奪。不
真則天地鬼神猶默鑒之。誰敢殺人以媚人。夫

皇考期月。蠲錄其誦萬年。

天子只緣體弱。兼以哀傷。當其召見文武。屬聽

太子爲堯舜之君。蓋已知自無起色矣。不虞

賓天之期。適值飲藥之後。攀號無從。不得不歸。咎不當

之藥。么麼可灼安所道三尺。僅僅奪作。則籍乎哉。噫。太

縱矣。責以不誅奸之義。從哲自當心慄。而必曰薦醫進

藥。有弒事焉。匪特重誣舊輔也。正輕誣

先帝也。恐天上之靈不康。臣子所不忍言者也。夫紅

丸之卽爲利。亦臣何敢知。第想當同受顧命。鴻立藥

曰之旁。匪一從哲也。見而知者。有英國公張維賢在。有

閣臣劉一燦韓爌在。又有部院臣周嘉謨孫如游李如

華黃加善張問達黃克纘在。以爲毒乎羣疑之。當必有

抗顏力爭。而何必闕然忘語。以爲升平羣信之。不必有

未達致愼。而胡以耦俱無猜。無亦勢處彌留。

主與臣交迫於回天之望乎。愛則同心。過亦同誤。弒逆

大惡。誰甘徇承。是顧命諸臣皆忘君。皆不討賊。而里

庶心照之
乎心術之
而已然矣

居宗伯獨抱孤忠也臣萬壽不敢以受醜謗

貴妃

先帝以裁逆寬舊臣而結增親臣也若夫

封后不早爭禮部之先諸號稱恭不詳訂降王之季真

之識力全欠擔當慎行歷數而督過之誰不建之而謂

此亦試逆事臣子所不忍言也獨有發

宮一節中外久疑臣訟言之可乎蓋當得湖再泣寶御

未登即焚箕子靡依大原無鳩庶少長之嫌不借羽

翼定策之力儼然

宗廟社稷之共主也進侍雖鍾愛於

先皇曾受護持

太子之托然非兩宮比也餘於別殿則名分肅體統嚴

正

祖宗家法宜爾今諸臣行所無事轉

冲主以孝治也不成清寧乾坤中彼牙然一嬪孤一

女逗留不徒者何故豈希冊妃之遺命耶抑有要挾

之隱謀耶官中一段真情景亦惟我

皇上自知雖然獨斷中貴之目臣察之耳皆風影也自

垂簾語出而

內廷罔然矣促移宮者輒振為奇功矣自李堂語出而

外廷罔然矣言下加恩者幾中以奇禍矣嗟乎此禍根

妨者乎。或曰：債師怯而貪，平時攘虛餉以自肥，相沿成風，牢不可破，誰肯割見在之利以爲

國減餉者？是不然。夫債師之愛功名也，甚於其愛財貨也。如一師得萬人，能簡弱者三千人授屯，是能於每萬金中，減司農餉三千兩，取該道履畝實冊簡軍若干屯，田若干畝，代餉子粒若干名，備細報部，移咨本兵，照軍加功，得俸一等，以間屯減餉立多寡爲本帥賜爵之崇卑。彼冒矢石以殺虜固功，此開邊利以困虜亦功也。况彼危此安，人情尤樂趨乎屯之與兵，相利不相妨，斷斷無疑矣。第不圖之暇時，待事切迫，士無固志，將有危心，人力不齊，農具未備。

然後見日求夜稍稍不效而曰屯不可爲此非屯之罪也
又屯熟之後穰穰滿家貪弁橫索起稅催糧致攻苦之兵
得不償失究必拋荒鞠爲茂草而曰屯不可爲此又非屯
之罪也信能力破諸弊堅意必行則二百萬之逋金可省
數十萬之人心可固能富能強可戰可守司農得免橫眉
中外不至竭澤所謂久安長治計謨非耶若夫順天時因
地利買犢計種酌盈濟虛則有論功行賞鼓舞振作之方
畧在惟當事者亟圖之伏乞

皇上勅下該部察臣言如果不謬覆議施行民生
國計實賴此一舉矣

兵科蕭基奏議東西川兵機宜其策默事有三着、一專管轄、一神鼓舞、一審布局、而要以坐困爲搗巢之機、括策遼事亦有三着、一善御將、一密偵探、一定戰守、而要以牽制爲恢復之根底、真石畫也。

工部接出

聖諭朕自御極以來、每念兩門三殿工程宏鉅、費用浩煩、該部那湊術窮、內帑搜括殆盡、悠悠忽忽、何日告成、朕念茲在茲、未嘗一日釋於懷也、今中宮等宮諸王公主、并司禮監等衙門、各監局司庫掌印管事牌子、及內外私家開住太監等官、恭進助工銀共十四萬兩、俱發二廠貯收、仍

着內外經管監部各官會同巡視科道眼同給發支用俱
要實心任事仰體朕懷作速催趨工程早完

三朝闕典毋得仍前怠緩冒被侵欺違者從重叅來必不
寬赦該衙門知道

五月

御史顧宗孟謹陳清廷餉員營官疏以近見我

皇上傳諭兵部邊疆多事不可濫用債帥以致尅餉糾紛
赫赫

王言、直、令、司、馬、驚、心、而、職、方、動、輒、矣、臣、感、時、觸、事、竊、謂、以、
債、得、官、以、官、償、債、者、不、獨、大、帥、偏、裨、爲、然、只、各、路、領、兵、把、
總、近、年、兵、部、改、作、部、選、濫、用、三、科、武、舉、圖、此、一、途、以、便、請、
託、通、賄、此、債、之、數、而、營、伍、之、大、蠹、也、行、之、已、經、兩、年、在、外、
撫、臣、人、人、苦、其、不、便、而、莫、有、痛、言、之、者、今、據、實、爲、
皇、上、陳、之、

國家制科文武並設武舉會試中式者始以次

題授守把謂之

欽依其名正以都指揮體統行事其體渥游兵二千分關一方其責重若此外水陸把總領兵不過一二百守巡各道中軍所司不過奔走傳宣從來無兵部

題授及輕用加銜之例止聽各撫臣就聽用官及哨官中擇其人地宜而才優者揆補之謂之名色把總經撫按屢薦方

欽依此舊制也兩年前突將名色把總之缺改爲部選濫用三科武舉托名疏通實皆鑽刺其中式者反或多壅滯

不得微一命之榮、或予以閒地、不得叨一旅之寄、致將
不平孰甚、夫武舉下第、仍是市井無賴、乃百計鑽營、多
稱貸、但得千金之費、遂儼然三品之榮、黃蓋腰、金明轎、廣
從焜耀于道、問所統領、不過一二百之兵而已、兵部祇以
請託通賄之途、猶隘、特開此方便之門、曾不思名器之濫、
至此極矣、至于營伍之受害、則更有可言者、名色原無重
費、不必挨叙、今况以多貲得官、必以剝兵填壑、月糧幾何、
堪此名色人、與官相宜、官與兵相習、臂指之勢、易連、緩急
之因、可恃、今官兵了不相關、操演虛應故事、如是而欲兵
心鼓舞、其可得乎、臣故謂欲杜尅餉之原、必請復營官之

制仍改部選名色更有數便焉裁廩給之費可以餉兵省
隨從之役兵皆實用一便也懸補以爲招則水陸哨官各
思自奮二便也守巡各道易于約束有犯者徑行申詳撫
院不必報部三便也至兵餉之不受剋剝又不待言矣三
科武舉濫受

欽依此兵部兩年內之政臣故得陳甚悉如此伏乞
皇上勅下兵部將各處部選三科武舉原係名色缺者盡
數列名具

覆行各撫臣盡去員缺聽撫臣從公推補如有復選者該
撫臣指名參究此亦杜剋剝之一大端也

官承之法
真驛遞第
一詳政

御史張樞直陳驛遞苦累疏曰臣竊思言官無職言卽其職然言利不若言害議除百小害不若議除一大害臣伏觀今天下有極苦極累爲民間第一不堪在撫按力爲調停而竟罔實益在科道屢經陳奏而未見奉行者無如驛遞一事臣所令銜衛身經萬苦茲蒙聖明不棄拔置西臺且當

朝政聿新之會正臣子披肝瀝膽之期請先言驛遞之害而後及職以除害之方可乎夫驛遞之害自昔苦之其需索刁難鞭朴凌轢之狀令人難堪臣自家食耳而目之不禁扼腕不平矣而尤未身嘗其任也乃筮仕中牟甫到

領見實心
任事

任有馬頭十數輩、牽羈馬十數匹、陳乞替代、情形甚慘、詢其祈稱本役俱係富民、僉派走遞、有應役十四五年者、應役二三十年者、產盡囊空、業無立錫之地、父通子代、永無卸擔之期、艱辛萬狀、愁苦異常、臣於此有不能爲情之甚者、無何具申院道量添工食、酌議僉派、蓋至是而數十年未舒之困、十已去其八九矣、然此尤非愚見也、迨後調煩河內、卽以調停驛差爲受事第一義、夫河內之驛有二、夫萬善去縣二十里、且近山路、往來尤少、惟單懷一驛、則係四通周道、過客之馳驟如雲、僕人之需索若鶩、應付愈速、刁難愈甚、如是而驛差安得不日蹙蹙、問料理則有官養

之法有前任知縣邱存性之條議在臣於是備查故案勉竭愚衷其置買馬騾糴收草料俱照市價毫不虧苦至于柴薪之散給夫役之顧覽料草之收放槽櫪之安置與夫醫獸之調養差撥之輪轉逐件安排每時查理蓋舉當官之心力強半已注之于此而後乃今往來應付隨足驛有接替之便而既不至于病民里無僉派之虞而又不至于病驛雖行之在有司者不免任怨任勞而害之在里下者業已去太去甚臣自惟彼時釐剔苦心不過爲身家地方之任力救湯火之民見之懷慶所屬如孟縣武陵修武等縣已放效此法又稱便矣夫此一驛遞也洵目今第一大

害身是職者非不累牘條陳然不無貼馬惜馬之當裁也
索酒索飯之當禁也假牌陳稟之革宜懲積弊也石碑木
榜之豎宜垂永鑒也此其慮雖甚悉其心雖獨苦無奈言
之未必行卽欲行之而又無奈勢不可行也何也有司之
在今日其視借途之過客不啻如該管之上司一有弗備
卽指之爲朽鈍而長安之物議騰矣其視過客之僕隸又
不啻如親臨之過客稍有不遂因之爲中傷爲反問而主
翁之憤忮起矣夫爲有司者俛首一經折腰五十寧肯特
一時塵奸剔蠹之名而招天下鑠金銷骨之口哉以故索
之者視爲固然之物而應之者亦視爲必供之需年復一

成上宮之
身家體面

實爲難

年。迄無變計。致令富者肉剗皮盡。而日以就貧。貧者與妻
鬻子。而恐于徙去。驛遞之害。一至于此。噫。亦苦之極矣。臣
計河內雖冲。不過海內一隅。矧臣類愚蒙。才非通達。然實
心料理之餘。猶能使積疲之地。少見起色。分符衝衢者。固
多才也。肯推廣行之。則是役也。其催約而易操。其方要而
可循。成轍具在。展卷燎然。似無一處不可行。無一官不能
行。絕無可掣之肘。更無可撓之議。直截痛快。未有如此法
者也。伏乞

皇上勅下該部。檄行各省。直驛傳道查理。凡有驛遞處所。
除召募已行。不自覺其苦累。姑從民便。其舍召募不行。僉

派里下者。務令有司洗滌成心。不妨倣例河內。俱行官養。將殘黎漸就昭蘇于

皇上維新之治。未必無小補矣。

原任刑部郎中岳駿聲復申奏。挺擊顛末。疏入起川王之案。逮訊追贓。

科臣楊所修請

命史臣將三案內前後章奏。撮其大略。分別編次成書。刊行天下。

戶科薛國親上言。竊惟館選之設。我國家欲得坐而論道之臣。上可以備

聖明之顧問下可以作百僚之表率重其人而先爲足選
以儲之者也故每于會試進士之後定爲閣試之法以選
之酌爲論寫之規以試之試中而擇一館師以督課而成
之其上者儲爲台輔之器而其次者爲解館而分布用之
要于會真才適實用選固不可不慎也乃邇來選館則似
有不盡然者特論不必其博洽樛腹也而以書笥收之矣
寫字不必其清真滌草也而以如椽收之矣或藉世族而
閥閱之胄據中秘爲世襲之業或借援引而夤緣之輩視
史局爲取寄之物總之借奔謁爲關合依錢神作打點溫
厚之室輦金輸璧日奔走而無忌寒素之家產竭囊空卽

稱貸而弗恤彼亦知

明旨欲嚴禁恐餽暮夜之金者則益滋其智故彼亦知

明旨欲痛革恐曳權門之裾者則實禁其奔趨將

明旨自

明旨餽送自餽送無論諸臣之舌敵筆禿無益得失之數而

王言於赫直弁髦奔之又何以肅中外之人心而爲倖進者清此一途哉夫士初中爲進士尚未涉仕途一日正如處女將適人宜白璧視躬以無忝於歸而奈何以貪淫不問自壞其真耶職意此三百人者是四海之民命賴以造

五方之士習賴以維。

國家數十年之朝綱固是行將賴以撐持而鎮定。倘于始進之一時。一開僥倖之徑。毋論倖得者。乞哀驕人有愧玉堂之選。而未得者。鑽刺慣熟。廉耻掃地。又安望其羔羊素絲之節。以造福生靈。而振起習尚。不幾長天下貪墨之風。而重負。

祖宗開館選士之本意哉。我

皇上近日于考選一節。減爲四十之數。示慎示公。凡以杜倖售而求真。人海內方隅之向風。而豈肯于館選之法。一聽其濫觴至此。故職以爲僥倖之路不塞而。

明旨之奉行不嚴則餽之路終不破伏乞

皇上勅下部院諸臣各察其所屬觀政進士除進而觀政以需効用外卽宜杜門靜養以俟館選不宜長安道上紛紛鞍馬略如朝

覲禁餽謁之事而察其所訪拜何客所餽遺何禮如係鑽幹併訪其所過付何人訪出許指名叅處而卽以此時之靜躁註考官之貞邪庶

成古格遵不至作紙上之空文而錢神不靈或可洗輓近之倖竇矣而又鄉評宜孫也周重鄉舉以鄉之人壤地相接耳目相習某之學行或優或劣可以得其梗槩如謂鄉

之人未必知也。恐離鄉之人而更孰爲之知者。今宜就鄉之有品望者一爲採訪。畧如考選發訪之事。而卽以所舉之真贋爲舉者之能否。而鄉人斷不作違心之語矣。考閱宜嚴也。詩論寫不足以盡人而

國家旣以此選館士。則卽就此而嚴之。詩論取其韻而瞻典而有聞者焉。而傍腹者不與。字取其端而楷者焉。而潦草者不與。更嚴代作。願寫之禁。未試之時。題目勿令預洩。字號勿令暗記。彌縫必察。闢防必謹。鑒閱必公。遴選定而閣試之卷。悉傳示府部院寺諸臣。令人人得寓目焉。畧如鄉試會試之法。將能者得以自見。而不能者難以僞投矣。

舉新進諸臣之日夜馳逐千謀百鑽而總盡于餽之一字。舉餽之鬼運神輸屢表

明旨不能禁絕而總盡于實爲奉行之一言。實爲奉行而餽不行。不行而僞進可防。真品可核。將館選得人。其養之則台鼎之名臣。其散之則冰蘖之良吏。于以清始進而儲相器也。豈渺小哉。伏乞

皇上中飭屢

旨斷在必行臣愚幸甚

廟堂幸甚

六月

初一日冊封 衡 魯 慶 濟 周 蜀 德 光澤

永和各王府

上親詣 內殿祭告遣正使郭興言問可陞等十八人行

禮科葉有聲司牧攸重疏曰觀 國家外征兵內征餉有

民有登
于民生吏
治

纖毫不從民取辦否而今日民生何如也皮肉俱盡氣息

奄然所為昭蘇而生息者惟此二三司牧是賴顧自去歲

入計以後行取者行取澄汰者澄汰復任者未即之任而

僅以此子遺無告之民俾之署印如劫之手不知數月來

剝削幾許元氣廢閣幾許事件故小民之望新令也如嬰

與情真話

兩朝從信錄

卷二十六

壬午 天五月

赤之納于懷而新令之應急予以衽席也。更不啻父母之
惟其疾之憂也。幸而日今大選近矣。新令尹之叱馭有日
矣。然而愛昇喪寶全從此立脚孔邇。何暮全從此處着根
是安可泄泄從事已者。且不必縷悉當官詳引治法。即就
新任一事言之。而切爲營缺之情分。應杜也。冲疲之甲科
應急也。憑限之克期。應嚴也。交盤之錢粮。應核也。到任之
陋規。應裁也。上司之叅謁。應禁也。臣請得而悉數之。夫新
選之擇地者。曰吾寧淡無濃。寧簡無煩。風氣水土之不習
寧近無遠。使其果淡果簡果近也。猶之可也。而否則圖度
地方者。于已不勝珣玉之恩。屈抑借款者。于人不勝市德之

想目今當多番情面日後多一番葛藤則何如東西南北
信命潔潔淨淨一絲不掛直捷捷展布自如者之爲得
也臣所爲營缺應杜者此也各處共此土地共此人民何
至極敗大壞不可收拾其始蓋緣一二鄉貢開叢之輩穢
漸養成即有起而更張者又吏議隨之由是甲科累足不
入而疲者益累夫人欲于其所甚易而強以其所甚難今
即不能復邊俸之例而有能于此中苦心調劑者荐剡必
優以前第行取另列爲異等如是而甲科不售者未之信
也臣所謂冲疲應急者此也諸臣由新選以遂計偕作客
已經歲月晝錦似可逍遙獨苦代庖者原有傳舍其官之

慮而聞將至者益不勝五日京兆之思錢糧停征復將新
舊不并征矣詞訟停讞復將前後不并讞矣夫一

命服官則官事即我事與其濡滯鞅掌而無救情誤何如
作速料理而早得清楚此非但爲地方計亦自爲計也臣
所謂憑限應嚴者此也凡一邑額賦京邊爲繁雜項工食
之類無如署印者盡放工食而不樂解京邊也于將離任
爲甚彼固將留此宿逋而以需之後耳夫以後人代前人
征比則後解益遲以後人代前人叅罰則功令不信切爲
莫如于署印交盤冊內明註原額若干征完若干解過京
邊若干申詳撫按而撫按亦即據此以報部考核庶乎爲

署官者有叅罰緊迫于後不致蕩擲金錢而爲新任者有
分數截分于前亦可安意催科也臣所謂交盤宜核此也
士人之初試爲令也猶處子之初嫁也是何等觀望所係
而山鄉僻縣徃徃以新令衙宇什物一派里甲甚之里甲
有見而禮胥隸有公堂禮不肖者猶存乎見少即賢者亦
且因之爲固然寧知此際一有濡染後來便難振拔何如
立定脚根脫盡因緣提起精神抖擻整頓一番庶幾刮捨
爭盡規恢卓有餘地乎而撫按于此亦須急亟以卓異優
薦以示風厲者也臣所謂陋規應裁者此也人臣甫離鉛
槧旋膺簿書即甚明敏初時亦覺憂憂心手不相習而須

及疲礪銳銷時日于道途奔走飢渴之際由是長袂短接
路隨輩晝夜乘風交得伺其意旨而揣摩之曰寬也曰嚴
也曰明也曰暗也因而上下其手則新官之坐席未暖而
奸胥之窟穴已成矣合無撫按與新任初自道府一謁而
外可以一意料理簿書且不致以禮數下問輕假嚙咲而
後爲所當爲習所未習衙役不得占風望氣也臣所謂參
謁宜禁者此也噫人各有才見亦各有精神用之照管人
情即操干本等職業注之逢迎上司即踈于鈐束左右夫
營缺也冲疲也與定限也所當內而責之鈐司者也交盤
也陋規也與參謁也所當外而責之撫按者也而不特此

也。夫選缺之不能不分南北也勢也。然切見蘇松四府與嘉湖杭相錯如繡。且烟火之相望。曾衣帶之幾何。願往往易地而官。于是而或關說也。或抽豐也。或撞太歲也。前驅未離其境上。而奸徒錯趾于道途矣。夫人誰無親戚。誰無知交。誰無皮面。于其望之。斬釘截鉄。以賈嫌怨。孰若遠之瓜田李下。以省粘帶乎。此在一省如此。而他省可知也。是又在司銓者加之意。而亦足以明營缺者之非善自愛也。臣以選館屆期。輒敢獻其芻蕘。伏惟

聖明採擇施行。奉

聖旨。這本說初選情弊。深切民瘼。至謂蘇松常鎮與杭嘉

湖土壤相錯瓜李當避不宜易地而官尤爲確論

浙海官兵掃滅寇盜撫臣王洽奏捷

三月廿二日外洋有大夥劫賊稱王稱帥僞用寬和年
號曰國元帥將軍等皆賊自稱紅皮第連歸入犯幸將
士川會賞勇爭先一戰而勝當將賊船燒毀一隻擊沉
二隻斬級一十三顆擒獲二十八人紅皮諸賊赴水溺
死奪獲旗幟一口火器後刃盜甲等
項一百餘件餘賊遠避海氛頓息

越國公胡大海七代應襲嫡孫胡汝鍾謹奏爲奕世

國恩宜報狡奴逆命當誅不費纖忽金錢自督親丁赴勦

以襄蕩平以光前烈事職助齊應襲幼孤未嗣取具結保

赴部候覆正值奴虜猖獗久稽天討征兵屠餉海內騷

然職自稽時艱敢愛髮膚列在勲舊義切同仇敬陳勦滅

逆奴之策惟我

皇上俯賜省覽焉。夫奴賊之發難七年矣。凡畫策滅奴者。率言三方布置矣。然皆侈帑上之虛文。而未嘗有布置之實。着往事未論。姑就見事言之。關門爲正兵。汰兵核餉。以轉弱而強。則當關者貴得其人也。毛帥爲應兵。設立將官。以策援其後。則航海者貴得其人也。至若居兩軍之中。而潛伏上游。出不意。攻不備。以直指遼陽者。此奇兵也。職願與同志湯有光。李熙範。簡選親族。胡雷助。韓呈策。接應各率親丁。當之甲仗。自備舟楫。亦自備旣無安家行糧之費。又無駟廛供養之需。功成之日。方受爵賞。惟願我

得人一議
元緊

湯有光曾
從侯有功
薄醉土醉
木危厥旋
肝胆氣憤
未可于武

升中來之
非州衛人

壯哉

皇上鑒職等一腔血誠、勅令駐軍海上、相機進剿、定當恢
復故地、縛逆奴而獻于闕下、于以報累世養之恩、光
山河帶礪之盟斯已耳、昔班超以三十六人定西域、戍千
古奇功、職竊慕之、故敢冒昧具陳、合用事宜、另具條議、外
臣無任激切之至、

兵科陸文獻謹陳疆場積弛之情、疏曰、今日國家之洞
敞、以天下之大、奉遼之一隅、而又無一人不以遼爲言、言
者曰、賊惟不出、出必侵疆、我惟不出、出必喪師、在莫可誰
何之境、此皆襲彼與我之形、而未悉其情也、臣所憂者、不
在夷氛之橫惡、而在人情之懈弛、不在邊事之難圖、而在

廟筭之夫、定聞奴酋之在老寨也、無日不計其部落而訓之、其在遼陽、無日不計其軍實而警之、其一切用緩、川急用援、用掠、用間、用謀、用詐、降、用埋伏、無日不伺吾隙乘而襲之、其弃河西而守遼、移遼民而城東北、示我怠也、誘我怠也、議奴以爲老而歇、思而病者、魑魅之談也、議關以爲今日堅明日固者、堂雀之恬也、條聞賊急、條則不急、又嬰兒之喜也、推官會議、推餉亦會議、今年會議、明年亦會議、築舍之謀也、假張皇以示其能任、假鎮靜以掩其不能任、盜鈴之術也、借奴酋爲催官之符、尋題目爲脫卸之計、自圖之便也、輸輓不以餉士、而以肥家、禦敵不以甲兵、而以

文墨倒行之法也。須臾固已難停。歷年尚爾優游。遂使叢
挫之患。自上受之。通國並已明白。而朝廷尚示模稜。遂
使壅蔽之名。亦自上受之。夫奴何足畏。吾所以待奴之情
如此。乃可畏耳。一人之情如此。而人人且然。一鎮如此。而各
鎮且然。無以待奴于今日。無以圖奴于後日。玩一日。弛一
歲。如此。乃可畏耳。此何等事體。利害安危。間不容髮。而可
依違苟且乎。此何等時候。萬年大計。只爭一日。而可遲回
隱忍乎。總之。有徹桑蓄艾之圖。無不可轉移之時。有救焚
拯溺之心。無不可幹旋之事。有同室綏冠之誼。無不可得
同仇共濟之人。就今日之迹。爲今日之計。請籌樞輔三方。

到底爲兩
截人識者
已先見之

策應之略以及師情之分合邊情之善敗可乎毛文龍孤
提一旅駐扎平島招撫流民結連屬國分屯操營倏來倏
往以擾奴境界滿浦諸戰屢奏斬獲動輒以千百萬計即
韓白之智劉岳之勇當不過是去歲八月金州被削十月
旅順失陷腹裡幾乎無窺伺之門而海口似乎阻餽餉之
道者數月以來絕無後着豈先後智愚勇怯爲兩截人與
其在朝廷不得不信其在士論不得不疑非疑文龍也
疑執張盤之人即文龍平日所信用之人則爲文龍者亦
踈矣疑前奔者伏戎舟中有敵國無處無曾有功則爲文
龍者亦危矣勝負固兵家之常而不虞正哲人所戒合

遺智膽文臣一員。閱視一番。整頓一番。仍飭以寧重。毋輕。寧密。毋疎。乃以作文龍之弛氣。而杜東疆之瑕。罅者也。楊肇基于白蓮倡教之時。據彼中報明一疏。內稱本將戮力。盪賊掃清二東。仍亦鼓鼙中之鏘鏘者。移鎮登州。責專海防。旅順之師。獨不聞乎。大將不能親提鉦鼓。渡海殺賊。何至差救諸將。槩托海風以結局也。夫風濤誠難逆料。幾月到今。不當暗伏精兵于灶磯。牡厲諸島。伺其來窺。潛師夜渡。一舉而盡殲之乎。蘇軾知登州。屯重兵于各島。且募傳烽以通警息。意可知矣。夫兵之勢分。而其情欲合。彼文龍雖銳。豈一旅能制奴之死命哉。乃云不許西兵擾亂。以懷。

成局此其語意大可揣疑所宜亟勅登撫執中擬量督責
建立通烽火以壯聲援乃以作塋基之池氣而杜登鎮之
瑕釁者也神京係天下根本所恃薊門八百里地面爲護
持之左臂適因遼氛迫切故建議添設道鎮令其畫地而
分割之內脩守而外設防焉兩年以來試看薊門險隘之
屯重城京東州縣以及桃林喜峰古北馬蘭各要害曾有
一處之堅壁岩柵否平時久已廢弛臨事不加整頓豈增
官祇增廩祿之費而于軍機成敗之類絕無關與抑亦撫
鎮道將幾番更易將曉無以見眉而臂無以使指與舊督
撫已非見任之官新督撫又無到任之日倘虜酋忽焉蠢

動誰與守禦所宜勒限授事處處固壘層層列障以某將
守某城當某口以某兵援某城令賊進無所攻退無所掠
乃以作督撫之弛氣而杜薊鎮之瑕釁者也三方越大海
阻羣山或會至而機移或應來而局換祇賴榆關大帥扼
機權而居其會以振卒然之勢以息狡焉之心乃大將馬
五載行間原無寸帑一旦尚方秉鉞而登上將之壇
集十五萬之兵于塞用六七百萬之金錢以餉之可謂非
常之寵矣計宜蚤殲奴賊朝食以報

君父以答知己不謂虛具表儀全無紀律貪穢之形又著
彌縫之術偏正常聞段頻征西羌二十年未嘗寢蓐誰出

可危可畏

開門視師、輒以盛氣凌厲、至煩樞輔之調停也、餉爲養兵而設、不用以享貔貅、而用以供晷匿、多官之用、多金之入也、每百每千之口難防矣、兵爲防禦而設、家丁不以禦寇、而以爲寇、指揮唐堯臣、通判柯仲炯、其被劫之著者、昔之奴在千里、今之奴在几席矣、將有狼吞虎噬之形、軍有獸驚鳥散之象、平時無挾纊投醪之恩、臨事豈有赴湯蹈火之勇、設遇警急、有一潰而逃耳、其何以籠蓋于三方、諸將領之上與

皇上圖今日之事耶、古有訪書盈篋、不敗樂羊之賢、卽有街亭之顯戮、無損我侯之重者、樞輔採輿言而更置之、何

難作諸將之氣而一新壁壘之色乎嘗聞中國相司馬而
犇丹戎無生事王瓊爲兵部尚書遇宸濠之變任將王守
仁而有餘今司馬當關而守仁何在臣非敢苛求文龍天
下事以一人成以一人敗孽奴未殄疆場屢騷天怒有加
而爪牙先挾職所爲大恐也傳云內無良將外有強敵全
盛之餘其君臣猶動色相戒矧今日乎大將之精神一弛
何人不弛矣重鎮之隄防一缺何處無缺矣今日不言恐
有倉卒不及之患懼其中于途而移于國耳然亦不獨
此也武官在爨下求安專藉腴劑之利文士在隙中觀闕
爭談出塞之功嗟乎我豈一日忘奴酋哉但兵機貴密邊

此疏方謂
不達忌諱

事實暇疆土不可不復亦不宜驟復將士不宜忘戰亦不
宜好戰我之調度不密指麾不暇徒以倉皇口耳僥倖一
戰之功亦同水西之故智已古忠臣自矢賊滅則生不滅
則死緩則債事急亦生事則貪功用罔與玩寇失防究竟
同歸于弛之一字將臣習之而不振在經撫振起之經撫
振之而不得在廟廊振起之職不願國家遂弛軍法
使衆職推委人思逃死又欲暫寬文法使文武同心人可
効死則今日振起因循而弭繫疆場之要務也職一腔血
誠不避忌諱冒昧上聞伏祈

聖明俯鑒施行

治益久并
草莽至是
即修治之

恢復沾益城池

南朝從信錄

卷三

四

雲南撫臨閔洪學奏云沾益之爲州也夷居其九漢居其一吏之爲營火者四十有八踐糧站馬悉土官主之而流官直拱手而受職事焉至十一之漢人則烏撒后所官軍自天啓六年閏二月設科合安發良爲庫而四十八營火不知有朝廷矣天啓二年十月烏撒后所官軍奔城逃散而州立墟矣近臣受滇事以天啓三年九月計請設科使叛夷失其頭緒至是乃議恢復下今諸夷曰土官安遠死其地遺既失身亦佐其清經又鹽舍逆種時下土職承襲未易輕復不若錢糧站馬姑一切暫領之流官爲之布列餘款三令五申而四十八營火知有赴州輸糧者矣此臣所以經理沾益亦有深心兵雖不駐城而善後規模固大定也特此地關會三貴天絕處分不容不俟大勢俱結今日耳耿耿血腔詳臣前者屢疏益急復沾非臣意也惟是沾城一日未復滇之餘局一日未收茲賴將吏拮据之力沾無少虧欠在與言滇亦庶幾仰蒙皇上之靈可謂金甌無缺矣一時在事文武俱力同心殫勞並未可泯而宣撫沙源急公赴義出兵三日自帶

根餉、陽守城池、在土司中、尤未易得、伏乞 勅下該部
案、議叙、仍于沙源稍加優異、以示鼓舞、庶漢土
得土、益知
勸矣、

水蘭烏霑三逆合兵數萬窺沾益敗走之

四川烏撒土酋安效良、水西肺府之親也、其順與逆、惟
水西之視、真年來以款賊兩字誘之、際之、豈得已哉、以
填在井底、餉斷援絕、數千梟腹之師、真無如效良何耳、
兩年之間、效良亦伴為恭順、自擒安應龍以來、不意所
遣獻功之人、領文回還、被劫中途、而効良又見黔師出
六廣、真師入霑益、懸然有背吭相扼之折、而水烏益成
騎虎矣、賊自分終不得生、所以乘截黔之餘焰、遂南面
而向滇也、此番之寇、蘭烏霑合成一片、安南諸夷三十
九營、其家殆十倍于我、其目中固無滇矣、使湖湘之守
不固、則戎馬必突入、安危之機、間不容髮、賴將士智足
料賊勇足吞賊、以衆寡不如之勢、決有死無生之心、血
戰霑益城下者五日、五夜、屢出奇兵、破賊五六萬衆、亦
足奇矣、將領則副總兵袁善、宣撫使沙源、守備善必奎、
龍在田、郝大陞、名色守備王顯祖、洪偉、張貴、千把總王

國忠先世榮范父延白良劉世俗孟勝光馬先善家
選等監軍布政謝存仁右參政王鎮同知吳思溫皆有
退賊令德之功雲南撫臣洪學疏稱吾必奎知兵善戰
孤聖獨律龍在田橫舉先登資其協守二官所當量加
坐營都司職級責成以兵討賊者也至于袁善肝胆惟
知

君父股掌可玩諸鑒用兵四年屢建奇功不獨朴敵設
奇變化無窮更有神氣之說繫而暇方萬賊窺城而軍
對壁之際從容堅立城樓神色不動縛有古名將風伏
乞

皇上勅下該部將文武將吏所有功次案候一體勅叙
仍將沙源吾必奎龍在田等二土司先加職級以昭激
勸袁善暫以督銜克副總兵管治平遊擊事覆議上
請行臣遵照施行

下周朝瑞袁化中左光斗顧大章魏大中楊漣于井鎮撫

司

皆逆黨顯指非刑嚴訊文言已斃獄中深文密核一如
前情顯上又程上旨酷刑追比待罪完自送刑部

招提
罪